

Minister Dangui Oduber: Proyecto di renobacion y expansion di ImSan lo ta cla pa Maart 2020



ORANJESTAD (AAN): Di-aluna atardi Minister di Salubridad Publico sr. Dangui Oduber a reuni cu representantenan di "Baptist Health International" unda e mandatario a ricibi un update riba e proyecto di renobacion y expansion di ImSan. "Baptist Health International" a sigura e mandatario

cu pa maart 2020 e proyecto lo ta ful operacional. Un bunita proyecto cu a cuminsa na juli di 2018 caminda tin un inversion di 60 miyon Florin cu lo brinda empleo na 45 persona. E proyecto aki lo consisti di renobacion y e re-diseño di e Spoed Eisende Hulp, lo construi 2 sala di operacion

general.

Lo bay construi un sala di operacion specialmente pa oftalmologia (operacion di wowo). Den e proyecto aki Aruba lo haya su prome clinica di Radioltherapia, actualmente tin un bunker ta worde construi pa atende pashentnan cu ta worde diagnosticado cu cancer.

Ora cu e clinica di Radiotherapia ta den funcion, esaki ta premira pa atende alrededor di 400 pashent pa aña. Pashentnan cu ta sufrí di cancer ta worde trata cu bestraling aki mes na Aruba den cercania di nan famia y cu e mihor aparato riba mercado. Di e manera aki aki nos ta mehora e calidad di nos cuida medico y reduci gastonan di AZV.

Acreditacion:

"Baptist Health International" lo zorg cu via di "Joint Commission International Accreditation" (JCI) ImSan lo worde acredita internacionalmente. Aruba lo bira e di 3 pais den Caribe cu tin un instituto cu ta acredita pa JCI, Colombia y Hulanda mes tin 4 instituto cada uno. E acreditacion aki ta haci posibel tambe pa Aruba bay den e direccion di turismo medico, ya cu e seguronan medico internacio-

nal ta traha cu institutonan cu ta acredita pa JCI asina Minister Dangui Oduber a duna di conoce.

Minister Dangui Oduber a duna di conoce cu e proyecto di renobacion y expansion di ImSan ta conta cu un bon estructura. Den e estructura aki ImSan ta esun cu ta aproba tur placa cu ta bay pa material, ekipo etcetera, di e manera aki tin un mihor control unda e placa ta bay.

Locual a sosode na e proyecto di HOH unda tabata tin un "budget overrun" di mas di 100 miyon Florin no mag sosode nunca mas, asina e mandatario a trece dilanti. Minister Oduber kier estrecha e lasonan cu "Baptist Health International" y ta explorando e posibilidadnan pa yega na mas acuerdo.